

ցելէ Ս. Յակոբի վանքը ուր ժամանակ մը մնալէ զկնի՝ կը վերագառնայ Ս. Աղբերիկ վանքը և հոն կը վախճանի 1855ին (Հնոց, էջ 185): Ս. Յակոբի վանքին նուիրած է Թովմա Ազուրիանցիին Թարգմանութեան ձեռագիր մէկ օրինակը:

ՍԻՄԷՈՆ ՎՐԴ.— Մբ. Երևանի Անապատին, 1759ին ուխտաւորութեամբ կ'այցելէ Ս. Յակոբի վանքը:

ՍԻՐԱՔ ԱՏԱՆԱՅԻ.— Ուխտաւորութեամբ Ս. Յակոբի վանքին այցելութիւն տալով՝ 1776ին Յովակիմ պարքին կը նըուիրէ Ս. Գրոց ձեռագիր մը (ՄՁ. Թ. 304) և նոյնին մէջ կը գրէ հետեւեալ յիշատակարանը. «Եւ ես մեղաւոր և անարժան տիրացու մահտեսի Սիրաքս ի թվ. ՌՄԻԵ (=1776) ամին ի քաղաքս յերսղմ. ընծայեցի զգիրքս այս նորապսակ պատրիարք տեառն Յովակիմ աստուածաբան և երջանիկ վարդապետին ի վայելումն Ս. Յակոբայ, որ եմ որդի տիրացու Յովհաննէսիկոչիմք անվամբ Պասմաճի զատէ Ատանացի...»: (ՄՁ. Թ. 304 և Խաչ. Յոց. տետր ԺԴ. 1113):

ՍԻՐԱԿԱՆ (ՄՀՏ.) ԱՐԱԲԿԻՐՑԻ (Խօճա).— 1721ին իր այցելութեան առթիւ Ս. Յակոբի վանքին նուիրած է ոսկի սկիհ մը, իբր յիշատակ իր ննջեցելոց (տե՛ս ՄՁ. Թ. 232):

ՍԿԱՆՏԱՐ ՉԷԼԷՊԻ, ՈՐԴԻ ՍԱՆՈՍ ՉԷԼԷՊԻ.— ՄՁ. Թ. 23 ունի յիշատակարան մը, որուն համաձայն Սկանտար Չէլէպին 1625ին նոյն ձեռագիրը կը նուիրէ Ս. Յակոբին «... բարեմիտ և հեզահոգի պարոն և պայազատ, իշխանաց իշխան և իշխանագուն, այսինքն Սանոս Չէլէպուն որդին, Սկանտար Չէլէպին, փափագող աստուածասքանչ պատմութեան վարուց հարցն, և յիշեաց զբանն տէրունական, որ ասէ...: Վասն որոյ մեծափափագ տենչմամբ ետ գրել զսուրբ գիրքս և եզ յիշատակ ի սուրբ Երուսաղէմ. ի գունն Ս. Յակոբայ զամբարանին, ի վայելումն ուսումնասէր և բանասէր վարդապետաց...»:

ՍՄԲԱՏ ԵՊՍ. ԳԱԶՍՉԵԱՆ, ՊՈԼՍԵՑԻ.— Մբ. Ծ. 1873ին. Զո. 1902ին. ՏՊ. 1904ին. հիւրընկալ 1906ին. քարգնակ 1907ին. փԿԵ. 1910էն սկսեալ ցայժմ կը վարէ նոյն պաշտօնը: Ստանձնած է նաև Կ. Պոլսի պատրիարքական փոխանորդութեան պաշտօնը: Եպս. կը ձեռնադրուի 1924ին, վարած է Պոլսի մէջ վարչական պաշտօններ ևս, քարոզիչ Բերայի 1928ին: